

PERSIDANGAN PARTI 2019

Agenda 7 –Cadangan Pindaan-pindaan Perlembagaan Parti

DIPUTUSKAN bahawa Perlembagaan Parti Tindakan Demokratik (selepas ini disebut sebagai “**Perlembagaan DAP**”) dipinda seperti berikut:-

FASAL V YURAN

1. FASAL V Fasal Kecil 2 Perlembagaan DAP dimansuhkan dan diganti dengan yang berikut:

“2. Yuran tahunan untuk ahli-ahli ialah RM10.00 dan yuran seumur hidup adalah RM200.00, atau sesuatu jumlah yang ditetapkan oleh Jawatankuasa Tertinggi Pusat dari semasa ke semasa.”

FASAL VII Tatatertib

2. Fasal VII Fasal Kecil 1 Perlembagaan DAP dimansuhkan dan diganti dengan yang berikut:

“1(a) Jawatankuasa Tertinggi Pusat hendaklah menubuhkan sebuah Jawatankuasa Tatatertib (“JT”) untuk menangani soal tatatertib dalam Parti.

(b) Jawatankuasa Tatatertib hendaklah terdiri daripada:
 - (i) seorang Pengerusi Jawatankuasa Tatatertib (“Pengerusi JT”); dan
 - (ii) tidak kurang daripada 10 orang anggota (dengan had maksimum 20 orang)
(c) Anggota-anggota JT hendaklah dilantik oleh Jawatankuasa Tertinggi Pusat (“JTP”).

(d) Sekiranya Pengerusi JT bukan anggota JTP, maka dia hendaklah dilantik sebagai anggota ex-officio Jawatankuasa Tertinggi Pusat yang tidak mempunyai hak mengundi.

(e) Tertakluk pada peruntukan berikutnya, setiap prosiding JT hendaklah dihadiri dan dijalankan oleh panel tiga orang anggota JT atau dalam jumlah nombor ganjil yang lebih daripada itu, manakala Pengerusi JT boleh dalam apa-apa keadaan menentukan dan memilih dari senarai ahli jawatankuasa yang dilantik di bawah Fasal Kecil 1(b).

(f) Pengerusi JT atau anggota yang ditentukan oleh beliau untuk mempengerusikan prosiding panel (selepas ini disebut sebagai “Anggota yang Mempengerusikan”) hendaklah mempengerusikan prosiding.

(g) Prosiding JT hendaklah diadakan pada tarikh dan tempat yang ditentukan oleh Pengerusi JT atau Anggota Yang Mempengerusikan dari masa ke masa.

PERSIDANGAN PARTI 2019

- (h) Pengerusi JT atau, sewaktu ketiadaannya, Anggota yang Mempengerusikan boleh membatalkan atau menangguhkan prosiding JT yang ditetapkan menurut Fasal Kecil (1)(e).
- (i) Keputusan prosiding hendaklah menurut pendapat majoriti anggota panel yang telah membicarakan kes tatatertib berkenaan.
- (j) Sekiranya salah seorang anggota panel yang dilantik tidak dapat menghadiri prosiding kerana sakit atau kematian atau apa-apa sebab yang sah, Pengerusi Tatatertib mempunyai kuasa untuk melantik pengganti untuk menganggotai panel.”

FASAL VIII KONGRES PARTI

3.1 Fasal VIII Fasal Kecil 1 Perlembagaan DAP dimansuhkan dan diganti dengan yang berikut:-

- “1(a) Kerja Parti adalah di bawah arahan dan kawalan Kongres Parti dan Persidangan Parti.
- (b) Kongres Parti hendaklah diadakan sekali dalam setiap tiga tahun (36 bulan) dan disebut sebagai Kongres Kebangsaan Parti, atau pada masa tertentu ia boleh dipanggil bersidang oleh:
 - (i) Jawatankuasa Tertinggi Pusat; atau
 - (ii) atas permintaan sekurang-kurangnya enam puluh peratus Cawangan yang berhak menghantar wakil ke Kongres Parti; atau
 - (iii) atas permintaan sekurang-kurangnya enam puluh peratus Wakil Kongres.
- (c) Tanpa mengambil kira peruntukan-peruntukan lain yang terkandung dalam Perlembagaan ini, Jawatankuasa Tertinggi Pusat mempunyai kuasa untuk menangguhkan Kongres Parti, Persidangan Parti, Konvensyen Biasa Negeri dan Persidangan Tahunan Parti sekiranya tarikh untuk mengadakan mesyuarat-mesyuarat itu berada dalam tempoh dua puluh empat (24) bulan dari tarikh Parlimen harus dibubarkan menurut Perkara 55(3) Perlembagaan Persekutuan DENGAN SYARAT dalam keadaan itu, Kongres Parti, Persidangan Parti, Konvensyen Biasa Negeri dan Persidangan Tahunan Parti yang telah ditangguhkan itu (seperti yang berkenaan) mesti diadakan dalam tempoh enam (6) bulan dari Tarikh Pengundian bagi Pilihanraya Umum yang diadakan.”

3.2 Fasal Kecil 3(a) bagi Fasal VIII Perlembagaan DAP dimansuhkan dan diganti dengan yang berikut:-

- “3(a) Setiap Cawangan Parti yang berhak menghantar Wakil ke Kongres Parti berhak kepada perwakilan dalam sesuatu Kongres seperti berikut:

PERSIDANGAN PARTI 2019

- 25-50 ahli berbayar – 2 Wakil
- 51-100 ahli berbayar – tambahan 1 Wakil
- Lebih 100 ahli berbayar – tambahan 1 Wakil bagi setiap 100 ahli seterusnya.”

- 3.3 Fasal Kecil 3(c) Fasal VIII Perlembagaan DAP dimansuhkan.
- 3.4 Fasal VIII Perlembagaan DAP dipinda dengan menambah satu Fasal Kecil 16 berbunyi:
- “16. Kongres Parti mesti mengkhaskan 30% daripada jumlah kerusi JTP untuk ahli wanita yang bertanding di dalam pemilihan bagi menggalakkan penyertaan wanita dalam politik.”
- 3.5 Perkataan “dua puluh” dalam Fasal VIII Fasal Kecil 5(d) dimansuhkan dan digantikan dengan perkataan “tiga puluh”.
- 3.6 Perkataan “dua puluh” dalam Fasal VIII Fasal Kecil 13 dimansuhkan dan digantikan dengan perkataan “tiga puluh”.
- 3.7 Perkataan “dua puluh” dalam Fasal VIII Fasal Kecil 14 dimansuhkan dan digantikan dengan perkataan “tiga puluh”.

FASAL X PENGURUSAN PARTI

- 4.1 Fasal X Fasal Kecil 1 Perlembagaan DAP dimansuhkan dan diganti dengan yang berikut:-
- “1(a) Kongres Kebangsaan Parti hendaklah memilih Jawatankuasa Tertinggi Pusat yang terdiri daripada tiga puluh anggota. Anggota-anggota Jawatankuasa Tertinggi Pusat hendaklah memilih dari kalangan mereka:
- Seorang Pengerusi Kebangsaan
 - Seorang Timbalan Pengerusi Kebangsaan
 - Naib Pengerusi Kebangsaan (dengan had maksimum 5 orang)
 - Seorang Setiausaha Agung
 - Tiga Timbalan Setiausaha Agung
 - Seorang Bendahari Kebangsaan
 - Seorang Penolong Bendahari Kebangsaan
 - Seorang Setiausaha Organisasi Kebangsaan
 - Penolong Setiausaha Organisasi Kebangsaan (dengan had maksimum 2 orang)
 - Seorang Setiausaha Publisiti Kebangsaan
 - Penolong Setiausaha Publisiti Kebangsaan (dengan had maksimum 2 orang)
 - Seorang Setiausaha Antarabangsa
 - Seorang Penolong Setiausaha Antarabangsa
 - Seorang Pengarah Pendidikan Politik Kebangsaan
 - Seorang Penolong Pengarah Pendidikan Politik Kebangsaan.

PERSIDANGAN PARTI 2019

- (b) Jawatankuasa Tertinggi Pusat mempunyai kuasa untuk melantik maksimum 10 orang anggota tambahan ke dalam Jawatankuasa Tertinggi Pusat.
 - (c) Mana-mana Pengerusi Negeri atau Ketua Wanita Kebangsaan atau Ketua DAPSY Kebangsaan atau Pengerusi Jawatankuasa Tata tertib yang tidak terpilih atau dilantik sebagai anggota Jawatankuasa Tertinggi Pusat hendaklah dijadikan sebagai anggota ex-officio yang tidak mempunyai hak mengundi.
 - (d) Anggota yang dilantik atau anggota ex-officio bersama dengan ahli-ahli Jawatankuasa Tertinggi Pusat yang lain hendaklah memegang jawatan sehingga Kongres Kebangsaan Parti berikutnya.
 - (e) Jawatankuasa Tertinggi Pusat juga boleh melantik sesiapa saja dari kalangan anggotanya untuk berkhidmat dalam biro-biro dan jawatankuasa-jawatankuasa kecil Parti sebagaimana dan apabila Jawatankuasa Tertinggi Pusat berpendapat ia adalah wajar.
 - (f) Semua pemegang jawatan dalam Jawatankuasa Tertinggi Pusat layak untuk dipilih semula DENGAN SYARAT sebarang pemilihan semula untuk jawatan Setiausaha Agung adalah tertakluk kepada Fasal X 2(b).
 - (g) Kuorum dibentuk oleh lebih dari lima puluh peratus anggota Jawatankuasa Tertinggi Pusat yang hadir dalam mesyuarat yang diadakan dengan sempurna. Untuk mengelakkan sebarang keraguan, adalah dinyatakan bahawa ahli-ahli ex-officio yang tidak mempunyai hak mengundi tidak akan dipertimbangkan untuk tujuan menentukan kuorum.”
- 4.2 Fasal X Fasal Kecil 2 Perlembagaan DAP dipinda dengan menyusun semula peruntukan tersebut yang berbunyi:
- “2(a) Kuasa eksekutif hendaklah terletak kepada Setiausaha Agung.
- (b) Setiausaha Agung tidak boleh memegang jawatan itu bagi satu tempoh yang melebihi tiga penggal berturut-turut atau sebaliknya, bagaimanapun tempoh tiga penggal itu tidak termasuk mana-mana tempoh sisihan di mana Setiausaha Agung dipilih untuk mengisi jawatan sementara yang dikosongkan oleh Setiausaha Agung terdahulu, tanpa mengira sebab bagi kekosongan jawatan itu.”

FASAL XIV

JAWATANKUASA-JAWATANKUASA NEGERI

- 5.1 Fasal Kecil 1(a) Fasal XIV Perlembagaan DAP dipinda dengan memansuhkan perkataan-perkataan “dengan syarat terdapat sekurang-kurangnya tiga cawangan Parti dalam Negeri berkenaan” dan digantikan di tempatnya “apabila dan bila ia mendapati sesuai”.
- 5.2 Fasal XIV Perlembagaan DAP dipinda dengan menambah satu Fasal Kecil 1(b)v berbunyi:

PERSIDANGAN PARTI 2019

“1(b)v. Ketua Wanita Negeri dan Ketua DAPSY Negeri hendaklah dijadikan sebagai anggota ex-officio yang tidak mempunyai hak mengundi.

- 5.3 Fasal Kecil 1(e) di bawah Fasal XIV Perlembagaan DAP dipinda dengan memansuhkan perkataan “dua tahun” dan digantikan dengan “tiga tahun”
- 5.4 Fasal Kecil 1 di bawah Fasal XIV Perlembagaan DAP dipinda dengan memasukkan peruntukan baru (f) yang berbunyi:

“(f) Pengerusi Negeri hendaklah memegang jawatan untuk tempoh keseluruhan yang tidak melebihi tiga penggal sama ada secara berturut-turut atau tidak berturut-turut di sesebuah Negeri.”

FASAL XVII PENUBUHAN DAN PEMBUBARAN JAWATANKUASA PERHUBUNGAN KAWASAN PARLIMEN

6. Fasal XVII Fasal Kecil 1 Perlembagaan DAP dimansuhkan dan digantikan seperti berikut:

“1. Jawatankuasa Tertinggi Pusat boleh, dengan cadangan Jawatankuasa Negeri, menubuhkan JAWATANKUASA PERHUBUNGAN KAWASAN PARLIMEN (selepas ini disebut sebagai JPKP) di Negeri di mana kawasan parlimen yang dicadangkan itu mempunyai lima cawangan atau lebih.”

FASAL XVIII MESYUARAT BIASA JAWATANKUASA PERHUBUNGAN KAWASAN PARLIMEN

7. Fasal XVIII Perlembagaan DAP dimansuhkan dan diganti dengan yang berikut:-

“MESYUARAT BIASA JAWATANKUASA PERHUBUNGAN KAWASAN PARLIMEN

1. Mesyuarat Biasa Jawatankuasa Perhubungan Kawasan Parlimen (selepas ini disebut “MB JPKP”) hendaklah diadakan sekali setiap DUA tahun. Tarikh MB JPKP ditetapkan oleh Jawatankuasa Tertinggi Pusat.
2.
 - (a) Setiap Cawangan dalam kawasan parlimen tersebut yang layak menghantar Wakil ke MB JPKP hendaklah diwakili oleh Pengerusinya (atau Wakil lain yang dilantik oleh Cawangan Tempatan berkenaan jika Pengerusinya enggan menjadi wakil ke MB JPKP).
 - (b) Ahli Parlimen dan Ahli Dewan Undangan Negeri Parti serta Ketua-ketua Pemuda dan Wanita di kawasan parlimen berhak untuk menghadiri MB JPKP sebagai Wakil tambahan.
3. Agenda MB JPKP hendaklah disusun seperti berikut:

PERSIDANGAN PARTI 2019

- (a) Memilih pemegang jawatan dalam Jawatankuasa Perhubungan Kawasan Parlimen;
 - (b) Meluluskan minit MB JPKP yang terdahulu;
 - (c) Menimbang dan menerima daripada Jawatankuasa Perhubungan Kawasan Parlimen satu Penyata Kira-kira Kewangan yang telah diaudit bagi tahun kewangan yang terdahulu;
 - (d) Menimbang dan menerima daripada Jawatankuasa Perhubungan Kawasan Parlimen satu laporan yang meliputi kerja dan kemajuan Parti dalam tempoh penjawatannya;
 - (e) Menimbang dan menerima ketetapan-ketetapan/ perisytiharan-perisytiharan yang dibentangkan di dalamnya;
 - (f) Melantik dua orang ahli Cawangan dalam kawasan Parlimen sebagai juruaudit dalaman sehingga MB JPKP yang akan datang.
4. Sekurang-kurangnya tujuh hari sebelum tarikh yang ditetapkan untuk MB JPKP, Penyelaras hendaklah menghantar pemberitahuan mengenai masa, tarikh dan tempat mesyuarat itu serta juga agenda dan Penyata Kira-kira Kewangan kepada semua Wakil.
5. Korum MB JPKP hendaklah sekurang-kurangnya 50% dari jumlah keseluruhan Wakil yang berhak untuk menghadiri MB JPKP.
6. Sekiranya korum tidak mencukupi MB JPKP hendaklah ditangguhkan untuk selama tiga puluh minit. Sekiranya bilangan yang hadir masih kurang dari kuorum yang diperlukan, apabila mesyuarat dimulakan selepas penangguhan tersebut, Yang Di Pertua Mesyuarat hendaklah menangguhkan mesyuarat itu ke satu tarikh yang akan ditetapkan oleh Jawatankuasa Negeri. Korum mesyuarat yang seterusnya adalah jumlah wakil yang hadir yang hendaklah tidak kurang dari 25% daripada jumlah keseluruhan wakil.”

FASAL XVIII-A MESYUARAT AGUNG TAHUNAN JAWATANKUASA PERHUBUNGAN KAWASAN PARLIMEN

8. FASAL XVIII-A Perlembagaan DAP dimansuhkan dan dengan ini dimansuhkan.

FASAL XIX JAWATANKUASA PERHUBUNGAN KAWASAN PARLIMEN

- 9.1 Fasal-fasal Kecil 1, 2, 3 & 4 di bawah Fasal XIX Perlembagaan DAP dimansuhkan dan diganti dengan yang berikut:-

“1. Komposisi JPKP hendaklah dibentuk seperti berikut:

- (a) Ahli Parlimen Parti di dalam kawasan Parlimen berkenaan;
- (b) Ahli Dewan Undangan Negeri di kawasan Parlimen berkenaan;
- (c) Ketua Pemuda di kawasan Parlimen berkenaan;

PERSIDANGAN PARTI 2019

- (d) Ketua Wanita di kawasan Parlimen berkenaan; dan
 - (e) Pengerusi Cawangan-cawangan yang layak.
2. JPKP hendaklah memilih dari kalangan anggotanya yang disebut dalam sub-fasal 1 pemegang-pemegang jawatan berikut:-
- seorang Penyelaras JPKP (Ahli Parlimen Parti di dalam kawasan Parlimen berkenaan);
 - seorang Setiausaha JPKP;
 - seorang Bendahari JPKP;
 - seorang Setiausaha Organisasi JPKP;
 - seorang Setiausaha Publisiti JPKP;
3. Jawatankuasa Negeri mempunyai kuasa untuk melantik orang yang sesuai dari kalangan JPKP untuk menjadi Penyelaras JPKP apabila berlaku keadaan seperti berikut:
- (a) di mana Ahli Parlimen atau Ahli Dewan Undangan Negeri Parti enggan menjadi Penyelaras JPKP
 - (b) di mana tiada Ahli Parlimen atau Ahli Dewan Negeri Parti di dalam Kawasan
 - (c) di mana ada lebih dari seorang Ahli Dewan Undangan Negeri tetapi tiada Ahli Parlimen Parti di dalam Kawasan
4. JPKP mempunyai kuasa untuk melantik dari kalangan ahli Cawangan dalam kawasan parlimen berkenaan mana-mana ahli untuk mengisi sebarang kekosongan dalam JPKP sehingga Mesyuarat Agung JPKP yang berikutnya sebagaimana dan bila perlu.”
- 9.2 Fasal Kecil 6 Fasal XIX Perlembagaan DAP dimansuh dan digantikan dengan yang berikut:-
- “6. Tugas pegawai-pegawai Jawatankuasa Perhubungan:
- (a) Penyelaras JPKP hendaklah mempengerusikan semua mesyuarat Jawatankuasa Perhubungan. Beliau berhak memanggil mesyuarat-mesyuarat Jawatankuasa Perhubungan.
 - (b) Setiausaha JPKP hendaklah bertanggungjawab ke atas urusan surat-menyurat dan beliau hendaklah menghantar minit semua Mesyuarat Jawatankuasa kepada Setiausaha Agung dalam tempoh tujuh hari selepas tarikh mesyuarat.
 - (c) Bendahari JPKP hendaklah bertanggungjawab ke atas urusan kewangan Jawatankuasa Perhubungan. Beliau hendaklah menyimpan akaun semua transaksinya.
 - (d) Setiausaha Organisasi JPKP hendaklah memastikan pelaksanaan dengan baik fungsi dan organisasi JPKP. Beliau juga hendaklah melaksanakan segala tugas-tugas organisasi yang diberikan kepadanya dari masa ke semasa oleh Setiausaha JPKP.

PERSIDANGAN PARTI 2019

- (e) Setiausaha Publisiti JPKP hendaklah bertanggungjawab menyebarkan objektif-objektif Parti.”

9.3 Fasal Kecil 10 Fasal XIX Perlembagaan DAP dimansuh dan digantikan dengan yang berikut:-

- “10. Semua cek yang dikeluarkan oleh Jawatankuasa Perhubungan Kawasan Parlimen hendaklah ditandatangani oleh mana-mana dua orang berikut:- Penyelaras JPKP, Setiausaha JPKP dan Bendahari JPKP.”

FASAL XXI MESYUARAT AGUNG TAHUNAN CAWANGAN-CAWANGAN

10. Fasal XXI Fasal Kecil 3 Perlembagaan DAP dipinda dengan:

- (i) menambah pada pembukaan ayat sebelum perkataan “Urusan” ungkapan “Tertakluk pada Fasal Kecil 3A”
- (ii) memasukkan sebelum Fasal Kecil 4 dua Fasal Kecil baru yang berbunyi:
 - “3A Tanpa mengambil kira Fasal Kecil 3 di bawah Fasal ini, urusan di bawah (a) dengan itu hendaklah diadakan dua tahun sekali.
 - 3B Tertakluk kepada Fasal Kecil 8 di bawah Fasal XXX, Jawatankuasa Cawangan tidak boleh memegang jawatan selama lebih dari dua tahun”.